

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure, Physical  
Planning, Construction and Environmental Protection

Broj: 05-11-26001-4/23

Sarajevo, 16.10.2024. godine

Na osnovu člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), a na preporuku Komisije za provođenje otvorenog postupka javne nabavke iz Zapisnika o pregledu i ocjeni ponuda, broj: 05-11-26001-3/23 od 11. oktobra 2024. godine, Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo donosi:

## **ODLUKU**

o izboru najpovoljnijeg ponuđača

### **Član 1.**

Prihvata se ponuda ponuđača **HARYSCO d.o.o Sarajevo**, ul. Bihaćka br. 1, 71000 Sarajevo, ponuda broj: 05-11-42019/24 od 12.9.2024. godine, sa iznosom ponude od 2.700.000,00 KM bez uračunatog PDV-a i dodjeljuje se ugovor za nabavku radova „Izgradnja komunalne plohe na površini od 37.000 m<sup>2</sup> na deponiji Smiljevići u Sarajevu“ navedenom ponuđaču.

### **Član 2.**

Odluka stupa na snagu danom donošenja i objavit će se na internet stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo istovremeno sa upućivanjem ponuđaču koji je učestvovao u postupku javne nabavke.

### **Član 3.**

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema Odluke o izboru najpovoljnijeg ponuđača dostavi originale ili ovjerene fotokopije dokumenata traženih tačkom 5.1.4., 5.3.2. stav a) i 5.4.2. stav d) tenderske dokumentacije. Također, ponuđač se obavezuje da u roku od 10 (deset) dana od potpisa ugovora dostavi garanciju za uredno izvršenje ugovora kako je to zahtjevano tačkom 10.1.1., 10.1.3. i 10.1.4. tenderske dokumentacije.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)

#### Član 4.

Ugovorni organ će sa izabranim ponuđačem zaključiti odgovarajući ugovor kojim će se regulisati međusobna prava i obaveze ugovornih strana shodno zahtjevima ugovornog organa i odgovarajućim zakonskim propisima.

#### O b r a z l o ž e n j e

Na osnovu Odluke o pokretanju postupka javne nabavke, broj: 05-11-26001/23 od 2.7.2024. godine, Ministarstvo komunalne privrede, infrastrukture, prostornog uređenja, građenja i zaštite okoliša pokrenulo je otvoreni postupak javne nabavke radova „**Izgradnja komunalne plohe na površini od 37.000 m<sup>2</sup> na deponiji Smiljevići u Sarajevu**“ za koje je objavljeno obavještenje na Portalu javnih nabavki, 28715-1-3-1-3-3/24 od 22.8.2024. godine, i obavještenje u „Službenom glasniku BiH“, broj: 59/24 od 30.8.2024. godine.

Tenderskom dokumentacijom kao i obavještenjem o nabavci koje je objavljeno na Portalu javnih nabavki, Ministarstvo komunalne privrede, infrastrukture, prostornog uređenja, građenja i zaštite okoliša propisalo je da rok za dostavu ponuda ističe 12.9.2024. godine u 14<sup>00</sup> sati. U predviđenom roku za dostavu ponuda pristigle su 4 (četiri) ponude i to ponude ponuđača **STRABAG AG**, ul. Ortenburgerstraße 27, 9800 Spittal/Drau, ponuda broj: 05-11-42001/24 od 12.9.2024. godine, **BOSMAN d.o.o. Sarajevo**, ul. Rakovička cesta br. 18, 71210 Ilidža, ponuda broj: 05-11-42003/24 od 12.9.2024. godine, **HERING d.d. Široki Brijeg**, ul. Provo bb, 88220 Široki Brijeg, ponuda broj: 05-11-42019/24 od 12.9.2024. godine i **HARYSCO d.o.o Sarajevo**, ul. Bihaćka br. 1, 71000 Sarajevo, ponuda broj: 05-11-42019/24 od 12.9.2024. godine, a što je i konstatovano u Zapisniku sa otvaranja ponuda, broj: 05-11-26001-2/23 od 12.9.2024. godine, koji je dostavljen učesniku postupka u zakonom propisanom roku.

Komisija je prilikom provjere računске ispravnosti ponuda utvrdila računске greške u ponudama ponuđača BOSMAN d.o.o. Sarajevo i HERING d.d. Široki Brijeg te je navedenim ponuđačima, u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 90/14 i 20/15), dana 27.9.2024. godine, pisanim putem, upućen zahtjev za prihvatanje ispravaka računске greške.

Ponuđač BOSMAN d.o.o. Sarajevo je dopisom od 30.9.2024. godine dostavio akt, broj: 388/24, kojim se prihvata ispravka računске. Evaluacijom pristiglog akta i Obrasca za cijenu ponude, Komisija je utvrdila da je predmetni ponuđač prihvatio ispravku računске greške što je u skladu sa zahtjevom ugovornog organa iz Zahtjeva za prihvatanje ispravke računске greške, broj: 05-11-26001/23 od 27.9.2024. godine.

Ponuđač HERING d.d. Široki Brijeg je dopisom od 30.9.2024. godine koji je kod ugovornog organa zaprimljen 1.10.2024. godine, dostavio Izjavu o prihvatanju računске greške. Evaluacijom pristigle Izjave i Obrasca za cijenu ponude Komisija je konstatovala da je u isti unesena ispravka računске greške, ali da je kod upisa jedinične cijene na stavci Montažni radovi tačka 3. Nabavka, transport i ugradnja perforiranih novih PEHD cijevi sa odgovarajućim koljenima, T komadima i pripadajućim spojnim materijalom za otplinjavanje tijela deponije, postavljenih u drenažne šahtove za otplinjavanje (stavka obuhvata nabavku i ugradnju šljunka,



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)

cijevi, gline, fazonske komade, ventile, kondenzacionog lonca i dr. a sve prema grafičkoj dokumentaciji i detaljima) upisan iznos 4.595,00 KM, dok u original Obrazcu za cijenu ponude koji je dostavljen uz ponudu ista iznosi 4.595,98 KM, dok je ukupna cijena pozicije identična.

Imajući u vidu da dostavljeni Obrazac za cijenu ponude, kojim je trebala biti otklonjena greška računске prirode, nije usaglašen sa jediničnim cijenama datim u ponudi predmetnog ponuđača, a posebno uzevši u obzir da predmetom korekcije računске greške nije ni bila navedena pozicija, kao i činjenicu da ukupan zbir svih pozicija odgovara ponuđenoj cijeni ponude, Komisija je predmetnom ponuđaču dostavila ponovni Zahtjev za prihvatanje ispravke računске greške, broj: 05-11-26001/23 od 4.10.2024. godine, koji je predmetnom ponuđaču dostavljen 7.10.2024. godine, a kojim se od ponuđača zahtjeva da najkasnije u roku od 3 (tri) dana dostavi novu izjavu o prihvatanju ispravke računске greške i novi Obrazac za cijenu ponude shodno uputama iz zahtjeva od 4.10.2024. godine.

Ponuđač HERING d.d. Široki Brijeg je dopisom od 7.10.2024. godine, dostavio Izjavu o prihvatanju računске greške i novi usaglašeni Obrazac za cijenu ponude. Evaluacijom Izjave o prihvatanju računске greške od 7.10.2024. godine i Obrasca za cijenu ponude, Komisija je utvrdila da je predmetni ponuđač prihvatio ispravku računске greške što je u skladu sa zahtjevom ugovornog organa iz Zahtjeva za prihvatanje ispravke računске greške, broj: 05-11-26001/23 od 4.10.2024. godine.

Daljim pregledom priložene dokumentacije uz ponudu i suštinskom provjerom sadržaja i validnosti iste, Komisija je utvrdila da su ponude ponuđača:

1. **BOSMAN d.o.o. Sarajevo**, ul. Rakovička cesta br. 18, 71210 Ilidža, ponuda broj: 05-11-42003/24 od 12.9.2024. godine, sa iznosom ponude od 3.338.502,08 KM bez uračunatog PDV-a,
2. **HERING d.d. Široki Brijeg**, ul. Provo bb, 88220 Široki Brijeg, ponuda broj: 05-11-42019/24 od 12.9.2024. godine, sa iznosom ponude od 3.334.442,60 KM bez uračunatog PDV-a,
3. **HARYSCO d.o.o Sarajevo**, ul. Bihaćka br. 1, 71000 Sarajevo, ponuda broj: 05-11-42019/24 od 12.9.2024. godine, sa iznosom ponude od 3.339.285,72 KM bez uračunatog PDV-a

**prihvatljive** i ispunjavaju formalno-pravne, tehničke i ekonomske uslove iz tenderske dokumentacije i iste mogu biti predmet vrednovanja prema kriteriju „najniže cijene“ kako je to propisano tenderskom dokumentacijom.

Pregledom priložene dokumentacije uz ponudu i suštinskom provjerom sadržaja i validnosti iste utvrđeno je da je ponuda ponuđača:

1. **STRABAG AG**, ul. Ortenburgerstraße 27, 9800 Spittal/Drau, ponuda broj: 05-11-42001/24 od 12.9.2024. godine,

**neprihvatljiva**, s obzirom ista ne ispunjava kriterije za kvalifikaciju propisane tenderskom dokumentacijom.



Shodno naprijed navedenom, a vezano za ocjenu kvalifikovanosti predmetnog ponuđača, Ugovorni organ u daljem tekstu posebno obrazlaže razloge neprihvatljivosti predmetne ponude, a kako slijedi:

Tačkom 5.4.1. podtačke c) tenderske dokumentacije propisani su minimalni uslovi, tehnička i profesionalne sposobnosti iz članova 48. i 51. Zakona, koje ponuđači trebaju ispuniti za kvalifikaciju.

- c) Ponuđač je dužan dokazati tehničku i profesionalnu sposobnost u postupku nabavke radova kroz posjedovanje tehničke opremljenosti za izvođenje radova u smislu člana 51. tačka e) Zakona uzimajući u obzir obim, prirodu i složenost poslova koji su predmet ove javne nabavke. U cilju dokazivanja kvalifikovanosti po ovom osnovu ponuđači su obavezni dostaviti popis mašina i opreme sa kojom raspolaže a koja je neophodna za izvođenje zemljanih radova, ugradnju geosintetičkih materijala i cijevi:

Opremu za zemljane radove:

- Kamion, min. nosivosti 25 t, 4 kom;
- Greder, 1 kom;
- Buldozer (težine > 20t), 1kom;
- Rovokopač kombinirka, 2 kom.
- Oprema za polaganje i instalaciju PEHD folije i cijevi – 1 komplet.
- Vibracioni valjak, min 10 t, 1 kom.

Napomena: U sklopu neophodne opreme za polaganje i instalaciju geosintetičkog materijala, potrebno je da ima na raspolaganju samohodnu mašinu za zavarivanje vrelim vazduhom po metodi dvostrukog vara i mašinu za tzv. ekstrudersko varivanje kao i fen na vreli vazduh za ugradnju geomembrane debljine 2,5 mm.

Tačkom 5.4.2. tenderske dokumentacije propisano je da će se ocjena tehničke i profesionalne sposobnosti ponuđača izvršiti na osnovu dostavljanja sljedećih DOKAZA:

- c) Kopija potvrde o vlasništvu i potvrde o registraciji za opremu koja se registruje u saobraćaju, a za opremu koja se ne registruje u saobraćaju važeće upotrebne dozvole sa kopijom ugovora o dugoročnom iznajmljivanju zahtijevane tehničke opreme ukoliko ne pripada ponuđaču. Ukoliko dostavljanje navedenih dokaza nije moguće iz bilo kojih objektivnih razloga (viša sila), ponuđač je dužan da dostavi ovjerenu izjavu o posjedovanju i raspolaganju zahtijevanih mašina i opreme, uz uslov da se tražena dokumentacija od strane ponuđača kome bude dodijeljen posao dostavi prije potpisivanja ugovora.

S obzirom da je ponuđač STRABAG AG, ul. Ortenburgerstraße 27, 9800 Spittal/Drau, uz ponudu je dostavio Izjavu o ispunjavanju uslova iz člana 48. i 51. Zakona kojom pod punom krivičnom i moralnom odgovornošću izjavljuje da u postupku javne nabavke „Izgradnja komunalne plohe na površini od 37.000 m2 na deponiji Smiljevići u Sarajevu“ posjeduje i ima osiguran pristup traženim mašinama i opremi te da će dostaviti tražene dokaze o ispunjavanju uslova iz člana 48. i 51. Zakona, pod c) posjedovanje tehničke opremljenosti za izvođenje radova u smislu člana 51. tačka a) Zakona, a sve u skladu sa predmetnom tenderskom



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax:+ 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)



dokumentacijom ali ponuđač uz ponudu nije dostavio kopije potvrde o vlasništvu i potvrde o registraciji za opremu koja se registruje u saobraćaju, a za opremu koja se ne registruje u saobraćaju važeće upotrebne dozvole sa kopijom ugovora o dugoročnom iznajmljivanju zahtijevane tehničke opreme ukoliko ne pripada ponuđaču, odnosno nije dostavio dokaz da dostavljanje takvih potvrda nije bilo moguće iz bilo kojih objektivnih razloga (viša sila).

Pojam više sile predstavlja uobičajenu klauzulu koja oslobađa ponuđača od njihove obaveze dostavljanja tražene dokumentacije u slučaju kada nepredviđeni događaji ili okolnosti koje su izvan kontrole ponuđača poput pandemije ili prirodnih nepogoda (poplave, zemljotresi, uragani i sl.) sprečavaju ponuđača da ispuni svoju obavezu dostavljanja traženih dokaza koji su propisani tenderskom dokumentacijom. Dakle, pojava više sile je nepredvidiva i nije rezultat djelovanja ponuđača, a koja istovremeno ponuđača onemogućava da ispuni svoju obavezu propisanu tenderskom dokumentacijom. S obzirom da predmetni ponuđač nije na objektivan i dokumentovan način dokazao ili učinio vjerovatnim postojanje okolnosti više sile koja bi ga oslobodila dostavljanja traženih dokaza ugovorni organ smatra da dostavljena Izjava o posjedovanju i raspolaganju zahtijevanih mašina i opreme nije u skladu uslovima propisanim tenderskom dokumentacijom te ponuda kao takva nije prihvatljiva za ugovorni organ i ne može biti predmetom vrednovanja prema unaprijed utvrđenom kriteriju iz tenderske dokumentacije.

Postupajući u skladu sa odredbama tačaka 3.7.1, 3.7.2. i 3.7.3. tenderske dokumentacije, a shodno odredbama Pravilnika o uslovima i načinu korištenja e-aukcije („Službeni glasnik BiH“, broj: 80/23) zakazana je e-aukcija za dan 10.10.2024. godine u 12<sup>30</sup> sati, sa predviđenim trajanjem e-aukcije od 10 minuta, a o čemu su ponuđači koji su podnijeli prihvatljive ponude istovremeno obaviješteni putem systemske notifikacije sistema „e-Nabavke“.

Zakazana e-aukcija u predmetnom postupku javne nabavke je trajala ukupno 48 minuta, a tokom trajanja iste ponuđači su 94 puta podnosili nove cijene, izmjenjene naniže. Okončanjem e-aukcije, a shodno Izveštaju o toku i završetku e-aukcije, sačinjena je konačna rang lista ponuđača koji su učestvovali u e-aukciji, a kako slijedi:

1. **HARYSCO d.o.o Sarajevo**, ul. Bihaćka br. 1, 71000 Sarajevo, sa konačnom cijenom od 2.700.000,00 KM bez uračunatog PDV-a.
2. **BOSMAN d.o.o. Sarajevo**, ul. Rakovička cesta br. 18, 71210 Ilidža, sa konačnom cijenom od 2.750.000,00 KM bez uračunatog PDV-a.
3. **HERING d.d. Široki Brijeg**, ul. Provo bb, 88220 Široki Brijeg, sa konačnom cijenom od 3.179.000,00 KM bez uračunatog PDV-a.

Na osnovu utvrđenog kriterija za vrednovanje ponuda „najniža cijena“, a nakon okončane e-aukcije, ugovorni organ je shodno odredbama Zakona o javnim nabavkama i općim aktima ugovornog organa, uspostavio rang listu prihvatljivih ponuda, a kako slijedi:

1. **HARYSCO d.o.o Sarajevo**, ul. Bihaćka br. 1, 71000 Sarajevo, sa konačnom cijenom od 2.700.000,00 KM bez uračunatog PDV-a.
2. **BOSMAN d.o.o. Sarajevo**, ul. Rakovička cesta br. 18, 71210 Ilidža, sa konačnom cijenom od 2.750.000,00 KM bez uračunatog PDV-a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)

3. **HERING d.d. Široki Brijeg**, ul. Provo bb, 88220 Široki Brijeg, sa konačnom cijenom od 3.179.000,00 KM bez uračunatog PDV-a.

U postupku je utvrđeno da je izbor najpovoljnijeg ponuđača izvršen u skladu sa odredbama Zakona o javnim nabavkama Bosne i Hercegovine i pripadajućim podzakonskim aktima te je prihvaćena preporuka Komisije za provođenje postupka javne nabavke i donesena odluka kao u dispozitivu.

**Pouka o pravnom lijeku:**

Protiv ove odluke može se izjaviti žalba Uredu za razmatranje žalbi, putem Ministarstva komunalne privrede infrastrukture, prostornog uređenja, građenja i zaštite okoliša, u roku od 10 (deset) dana od dana prijema iste i to u pismenoj formi i u dovoljnom broju primjeraka, a koji ne može biti manji od 3 (tri).



Dostaviti:

1. Svim učesnicima postupka javne nabavke, e-mailom
2. Evidencija
3. Arhiva



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax:+ 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)